

RELATIO
de Augustis Exequijs
SERENISSIMÆ DOMINÆ
ANNÆ
PRINCIPIS SVECIAE

felicis memoriae,
Thorunii Borufforum

a. d. xvi. mens. Iulij
Ann. M. DC. XXXVI.
celebratis.

THORVNII, Apud FRANCISCUM Schnellholz. ✓


1871

EX 11103

1871

1871

1871



Vm Inuicta Potentissi-
mi Poloniae Sueciaeque Regis
V L A D I S L A I I V .

Maiestas Serenissimae Principis
A N N A E, Amitae beneme-

rentissimae, Exequijs diem xvi. mensis Iulij anni
huius M. DC. XXXVI. destinasset, ac Lega-
tum hac de re cum autoritate Celsissimum
Principem **CHRISTOPHORVM RADZIVILIVM**
Palatinum Vlnensem, cuius heroica grauitas
& dexteritas insignis hic quoq; enituit, Illustris-
simiq; simul nominis **VIROS ANDREAM REY**
Libullensem & **SIGISMVNDVM** Baronem
GÜLDENSTERNIVM Stumensem Praefectos
nominasset, dicta die ante horam viii. mane in
templis Euangelicorum, id quod & ad D. Jo-
hannis postea factum est, campanarum sono
hora Funeris indicata fuit, adeo vt nona ad vil-

lam suburbanam, in quam Brodnicio siue Straß-
burgo reliquæ Heroinæ fuerant allatæ, omni-
um Ordinum homines magno numero con-
fluxerint.

Illæ antequam loco mouerentur Reueren-
dus & Clarissimus Vir Petrus Czimmerman-
nus, Pastor Thoruniensis & Gymnasii Rector,
sermone Germanico elegantissimam concio-
nem apteq; ad rei dignitatem & decorè habuit;
cantu prius voce uiua & instrumentorum sua-
uitate à Musicis exhibito.

Postquam dixerat, hoc ordine ac ritu pro-
cedebatur:

Pubes Scholastica Veteris Nouæq; Urbis cum
Magistris anteibat: Ciuium præcipui, vt à Sena-
tu constitutum fuerat, quingenti aut circiter,
sequebantur. Musicorum tertia series erat;
Pastorum quarta, indigenarum pariter & ex-
ternorum instar centum. Currum funebrem
Magnifici aliquot ex Equestri ordine Viri
Przypcouius, Sienicius, Pakoslaius, Kochan-
scius

scius aliiq; obseruabant, & metatoria quasi diligentia cū Vrbanorū nonnullis viam designabāt.

Currum illum cum Exuuiis Augustalibus sex equi trahebant tecti candido bonæq; notæ panno, cui insignia incliti Sueciæ Regni acu picta in serico candido, affuta erant. At currum textile ex argento filis auratis distincto artis Phrygiæ stragulum ambiebat. In sublimi eius adeoq; opertorio sarcofagi puluinar texture argenteæ recumbebat, in angulo quolibet corolla non floribus natiuis magis quàm gemmarum rariorum splendore & insertis distincta pretiosissimis, in medio verò diademate exornatum.

Operimentum limbum quatuor ac viginti generosissimæ Virginum leuabant, cyclade candida è bombycino velatæ, caputq; demissis super humeros coloris eiusdem calanticis & viridibus ex rore marino (siue libanotis coronaria placet) fertis redimitæ, spectaculo longè pulcherrimo, quodque oculos in se omnium conuertebat.

Designanda verò ordine sunt Illustrium
Puellarum nomina :

DOMINA.

<i>Castellani Lublinensis F.</i>	<i>Ostrouia.</i>
<i>Succamerarij Califfiensis F.</i>	<i>Soror eius.</i>
<i>Libuffiensis Capnei F.</i>	<i>Piecouia.</i>
<i>Soror eius.</i>	<i>Balinscia.</i>
<i>Latalscia.</i>	<i>Wierzbouia.</i>
<i>Orzechouia.</i>	<i>Bartlinscia.</i>
<i>Sienscia.</i>	<i>Soror eius.</i>
<i>Spinouia.</i>	<i>Siostrzetouia.</i>
<i>Kasseuia.</i>	<i>Magnusseuia.</i>
<i>Potocia.</i>	<i>Tarnauiecia.</i>
<i>Strzelecia.</i>	<i>Kozinscia.</i>
<i>Soror eius.</i>	<i>Ziemiecia.</i>

Latus earum vtrimque triginta Juuenes Eque-
stris familiae tegebant, cucullos candidos induti, & ce-
reos itidem candidos gestantes.

Illi sunt :

DOMINUS.

Vladislaus Palatinides Belsensis.
Florianus Slupecius Castellani. Lublinens.
Andreas Rey Iunior.
Frater eius Nicolaus.
Vladislaus Miękicius.
Adamus Miękicius.

Buczacius.
Vladislaus Latalscius.
Latalscius alter.
Schlichtingius.
Abramouicius Filius Palati-
nidis Smolensciensis.
Stanislaus Iasmanicius.
Raphaei Iasmanicius.
Holowczynius.
Kornatouius.
Kasseuius.
Sofnicus.
Zlotnicus.

Adamus Zychlinius.
Ioannes Zychlinius.
Twardouius.
Iarochouius.
Brostouius.
Ziemecius.
Iarugielius.
Gadkouius,
Pogorzelscius.
Gibouius.
Lubouius.
Karczeuius.

Sarcophagum prosequabantur:

Celsissimus Princeps Christophorus Radziuilius Palatinus Vlnensis Legatus Regius. Huic Celsissimi Principes Joannes Christianus Dux Silesius Lignicensis & Bregensis dextram, læuam Fridericus Princeps Anhaltinus tegebāt.

Illustrissimus Palatinus Culmensis, Serenissimorum Poloniae Sueciaeque Principum Legatus; quem Celsissimi Principes Bregenses Juniores, à dextra Ludouicus, Christianus à læua comitabantur.

Illustris Capñeus Starodembscijs, Legatus
Serenissimæ Principis Poloniæ Sororis Regiæ,
aciuxtim euntes Celsissimus Princeps Bogus-
laus Radziuilijus & Illustris Capñeus Radzinen.

Hinc Illustrissimæ Nobilissimæq; Matronæ & qui illas de-
ducebant Illustrissimi, Illustres, Magnifici, Amplissimique Viri,
hac continuatione progrediebantur :

Dominus,

Domina.

Dominus.

*Andreas Palati- Palatina Woliniensis, Capñeus Vrzedouien-
nides Belsensis.*

*Capñeus Pilsniensis. Castellana Lubli- Iohannes Schlichtin-
nensis. gius Iudex territo-
rij Fraustadiensis.*

*Succamerarius Ha- Meseritiën. Ca- Dapifer Brestensis.
liciensis. stellana.*

Capñeus Strasburg. Nakelscia Castellana. Marcus Rey.

Raphaël Przyomscijs. Succameraria Calissiensis.

*Iaroffius Bronieuius. Succamer. Haliciens. Christophor. Potocius.
Præf. Excub. Magni Firleia. Zbascius.*

Duc. Lith.

Brestensis Tribunus. Orzechouia. Zbascius alter.

Christophorus Rey. Reyia. Ianus Bronieuius.

Præfectus Salinarü Zbascia. Dapifer Polocensis.

Polonia Maioris.

Subludex Culmensis. Niemierziczouia. Twardouius Regi

à Secretis.

Zie.

Ziemecius.
Karczewius.
Przeslouius.
Gondecius.

Schlichtingia.
Miękicia.
Bronienia.
Strzelecia.

Miękicius.
Golebieuius.
Plesscus Eq. Gallus.
Dorpoiuius.

Has sequebantur Piecouia, Twardowia, Ostrowia, Bartlinscia, ad quarum latus simul procedebant Burgrabius Regius, Pro Consul Præsicens, cæteriq; Proconsules cum nonnullis Consularium Seniorum Ciuitatis Thorun.

Pone alii Nobilium subibant ac Consules Thorunienses reliqui, vnà cum Minoribus Veteris Nouæq; Urbis Magistratibus: post præcipuæ Matronarum Urbicarum; inde Ciues ipsi ac Tribus & corpora artificum atq; incolarum: tandem Fœminæ illorum binæ ac binæ, latera procedentium ministris varii generis ac ordinis agmine conferto stipantibus.

Feretrum ad fores templi traductum Spectatissimus Thoruniensium Senatus statim subiit, manibusq; suis ædi sacræ intulit. Generosiss. Capneus Libussiensis puluinar diadema,
qua-

quatuorque corollas sustinens ad pegma, quod
Castrum doloris vocitant, primum, hinc ad mo-
numentum usque transportavit. Pegma ipsum
tribus gradibus suffultum, ac panno pretiosiore
opertum, stragula argentea quæ capulum ante
occultauerat obtendebatur. Huic cineres
Principis Beatissimæ & puluinar imponebatur.
Supra, siparium ex filis argenteis, opere raro,
funibus sericeis expansum erat. Odeum tem-
pli siue chorus & iuggestus sacer panno candi-
do vestiebantur. Inferius pegmatis tabulatum
Puellæ quarum nomina dudum retulimus insi-
debant; adstantibus qui ante ipsis aderant ge-
nerosis Juuenibus. Lessu musico & canticis
aliquandiu protractis, lingua Polonica oratio-
nem funebrem Præstantissimus raræque facun-
diæ Vir Paulus Orlicius habuit.

Hoc absoluto, & canticis ac campanarum
pulsu rursus perstreptibus, arcam feralem
Illustrissimi Domini Palatini Vilnensis & Cul-
menensis, Magnificus Starodemscius, Capnicque
ac

ac Officiales alii, aulæ item Regiæ Familiæres de
machina in marmoratam ædiculam funebrem
intulerunt, & exuuias felices, resurrectionem
nunc illic expectantes, capulo stanneo manda-
runt, diademate super tumulum marmoreum,
supinam Principis imaginem ex alabastritide,
saxo coloris candidissimi sustinentem, in tholo
testudinis suspenso.

Iusta exequiarum & cerimonias sermo tan-
dem sine reuerentia nunquam nominandi He-
rois Palatini Vilnensis finiebat, quo omnibus
ac singulis, ex vtroque sexu totam templi ex-
dram replentium, ob supremum hoc munus
Incomparabilis Optimæque Principis honori
præstitum gratias agebat, eosque ad epulas pa-
rentales inuitabat, additis verbis humanissimis,
sefe de tam pio erga Manes beatos officio, de
amore tanto ac fide aduersus Victoriosissimum
Clementissimumque Regem apud ipsum rela-
turum.

Cœ-

Cœnantibus hospitium Curia præbuit, ap-
paratu Illustrissimi præsertim Baronis Gùlden-
sternii cura & dexteritate in atrio maiori deli-
catè factò, dapibusque ita præbitis, vt ne-
mo non satisfactum sibi
fateretur.



DEO OPT. MAX.
ET
MEMORIÆ ÆTERNÆ.

SERENISSIMÆ PRINCIPI
ANNÆ,

Gustavi I. Nepti, Ioannis III. Regum Sueciæ Filiæ,
Sigismundi III. Poloniæ ac Suecor. Regis Sorori,
magnitudine animi vltra genium sexus,
pietate ac constantia supra mores sæculi euectæ,
beneficentia, pudicitia, innocentia
incomparabili,

VIII. Id. Febr. Anno Sal. M. DC. XXV. Ætat. LVII.
Brodnicii humanis rebus exemptæ,

VLADISLAUS IV.

Poloniæ Suecorumque Rex,
Fundator Publicæ Quietis,
Fortissimus ac Triumphalis semper,
Amitæ Benemerentissimæ,
Ipse immortalitate dignissimus,
opera studioque

CELSISSIMI PRINCIPIS
CHRISTOPHORI D. RADZIVILII
PALATINI VILNENSIS.

FIERI FECIT.